

Útkomið í A-deild Stjórnartíðindanna 1908.

Reglugjöfð fyrir landsbankann um útgáfu bankaskuldabréfa samkvæmt lögum nr. 82, 22. nóvbr. 1907, undirskrifuð af ráðherra 20. júlí 1908 (A nr. 10, bls. 44—47).

Auglýsing um að ný lyfjaskrá skuli í lög leidd á Íslandi, undirskrifuð af ráðherra 21. septbr. 1908 (A nr. 11, bls. 48—49).

Opið brjef,

er stefnir saman alþingi til reglulegs fundar 15. febr. 1909.

131
17. des.

Vjer Friðrik hinn Áttundi, af guðs náð Danmerkur konungur, Vinda og Gauta, hertogi í Sljesvik, Holtsetalandi, Stórmæri, Þjettmerski, Låenborg og Aldinborg.

Gjörum kunnugt: Að Vjer samkvæmt 3. gr. stjórnarskipunarlaga 3. október 1903 um breyting á stjórnarskrá um hin sjerstaklegu málefni Íslands 5. janúar 1874, sbr. 2. gr. laga nr. 41, 20. október 1905, allramildilegast höfum ákveðið að láta alþingi á voru landi Íslandi koma saman til reglulegs fundar mánudaginn 15. febrúar 1909.

Um leið og Vjer birtum þetta Vorum kæru og trúu þegnum á Íslandi, bjóðum Vjer öllum þeim, sem setu eiga að hafa á tjeðu alþingi, að koma nefndan dag til Reykjavíkurkaupstaðar, og verður þar þá sett alþingi eftir að guðsþjónustugjörð hefir farið fram í dómkirkjunni.

Gefið á Amaliuborg, 17. desember 1908.

Undir Vorri konunglegu hendi og innsigli.

Frederik R.

(L. S.)

H. Hafstein.

Brjef stjórnarráðsins til biskups um skipun tveggja prestakalla eftir lögum 16. nóvbr. 1907 nr. 45. **132**
21. júlí.

Í brjefum, dagsettum 14. mars þ. á. og 14. þ. m., hafið þjer, háæruverðugi herra, meðal annars skýrt frá því, að presturinn að Mýrum í Álftaveri, Bjarni prófastur Einarsson, hafi tjáð sig fúsan til að ganga að sameiningu Meðalandsþinga og Ásaprestakalls við núverandi prestakall hans Þykkvabæjarklaustursþing, þó svo að hann nú skorist undan að ganga undir hin nýju prestlaunalög, þótt hann hafi áður lýst því að hann vildi gangast undir þau. Sömuleiðis hafið þjer í áðurnefndu brjefi 14. mars tjáð stjórnarráðinu, að presturinn að Holti undir Eyjafjöllum, Kjartan prófastur Einarsson, hafi lýst því, að hann gangi að sam-

132 einingu Eyvindarhólaprestakalls við Holtsprestakall, þó svo að hann taki laun 21. júlí. eftir hinum eldri launalögum.

Útaf þessu skal yður til vitundar gefið yður til leiðbeiningar, að stjórnarráðið felst á, að framangreindar brauðasameiningar komi í framkvæmd á þann hátt, að hinir núverandi prestar í Pykkvabæjarklaustursprestakalli og Holtsprestakalli undir Eyjafjöllum taki laun sín eftir hinum eldri launalögum.

133 Brjef stjórnarráðsins til biskups um sameining tveggja prestakalla og skipun samkvæmt lögum 16. nóvbr. 1907 nr. 45.

14. ág.

Með brjefi, dagsettu 11. þ. m., hafið þjer, háæruverðugi herra, meðal annars skýrt frá því, að presturinn í Hofsprestakalli í Álftafirði, sira Jón Finnsson, gangi að sameiningunni við Berufjarðarprestakall að því tilskildu, að prestsetrið verði ákveðið að Djúpavogi, sem þjer teljið hjerumbil sjálfsagt. Svo leggur hlutaðeigandi prófastur til, að í stað bújarðar sje prestsetrinu látnar fylgja, prestinum til afnota, varphólmarnir í Búlandseyjum, sem fylgja Berufirði, og Þvotteyjar, sem fylgja Hofi, gegn hæfilegu eftirgjaldi fyrir fjárbeit og æðarvarp, sem í eyjunum er, og teljið þjer ekkert þessu til fyrirstöðu. Enn skýrið þjer frá því í nefndu brjefi, að presturinn að Mælifelli hafi gengið að sameiningu við Goðdalaprestakall og gengið undir nýju launalögin í þeirri von, að hinu nýja Mælifellsprestakalli verði veitt annaðhvort erfiðleikauppbót eða bráðabirgðauppbót sökum stórvægilegra örðugleika á þjónustu Ábæjarsóknar. Leggið þjer til, að báðar þessar brauðasameiningar verði samþyktaar.

Útaf þessu skal yður, háæruverðugi herra, til vitundar gefið, yður til leiðbeiningar og frekari ráðstöfunar, að stjórnarráðið felst á það, að Hofsprestakall og Berufjarðarprestakall sameinist, þannig að prestsetur hins sameinada prestakalls, Hofsprestakalls, sje ákveðið að Djúpavogi, og að því fylgi áður nefndar eyjar gegn hæfilegu eftirgjaldi, sem þjer eruð umbeðinn að hlutast til um að ákveðið verði með matsgjörð dómkvaddra manna. Stjórnarráðið samþykkir einnig sameining hins núverandi Mælifellsprestakalls og Goðdalaprestakalls, en að því leyti sem sira Sigfús Jónsson hefir látið uppi þá von, að hinu sameinada Mælifellsprestakalli væri veitt annaðhvort erfiðleikauppbót eða bráðabirgðauppbót sökum stórvægilegra örðugleika á þjónustu Ábæjarsóknar, þá skal þess getið, að eigi er heimild til þess að veita bráðabirgðauppbót neinum þeim presti, sem tekur laun eftir hinum nýju prestlaunalögum, en erfiðleikauppbót væri því aðeins heimilt að veita þessu brauði, ef losnaði einhver erfiðleikauppbóta þeirra, sem taldar eru í 2. gr. nefndra laga, af þeim ástæðum, sem teknar eru fram í niðurlagi greinarinnar.

134 Brjef stjórnarráðsins til sjáslumannsins í Eyjafjarðarsýslu um veitingu hlunninda handa sparisjóði Glæsibæjarhrepps.

12. nóv.

Útaf beiðni, er hingað hefir borist frá hreppsnefndaroddvita Glæsibæjarhrepps, vill stjórnarráðið hjer með veita væntanlegum sparisjóði Glæsibæjarhrepps